

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 3496 del 11/12/2024**

**Traduzione in ladino**

## **Ciampedel l' é stat coleà a la rei publica de la fibra otica**

**[Ladino] Via per de november, la rei publica de fibra otica la é ruèda tel Comun de Ciampedel e a 1.069 fabricac neves. Chest l' lo à fat a saer Open Fiber, la sozietà che tel Trentin la é stata enciarièda del Projet Banda Ultra Lèria (BUL), che à l' fin de enjignèr la rei publica per la fibra otica te la arees biences (periferies), olache i operadores privac no fèsc investimenc. De gra al sparpagnament de la rei te Fascia, i Comuns trentins che pel se spener co la tecnologia de valuta Ftth (Fixed To The Home) i doventa 155, enveze l' raion che pel se emprevaler de Ftth e Fwa (Fixed Wireless Access) l' tol ite 157 Comuns su 166 en dut. L' coleament Ftth l' é considrà la mior soluzion sul marcià per stabilità e velozità, ajache l' dèsc l' met de meter a la leta la fibra otica per la cèses di utenc. I pec coleamenc, fac per i raions più isolé e senestres da ge ruèr apede, i vegn enjigné co la teconologia radio FWE (Fixed Wireless Access) che, te ogne cajo, la dèsc l' met de se emprevaler de la banda ultra lèria.**

Per l' Projet Bul, portà inant da Infratel e metù a jir tel Trentin da Open Fiber, à collaborà la Provinzia Autonoma de Trent e Trentino Digitale. La sozietà publica de sistem l' à metù a la leta vèlch infrastrutura, per ejempie la tubazions, che à dat l' met de smendrèr i cos e i tempes de realisazion de la rei publica.

Per meter a jir la conescion ultra spedienta, i enciasé di Comuns neves che i à la leta l' coleament, bësta che i ge vae do a na prozedura scempia:

- Verifichèr che sie numer zivich sie corì da Open Fiber;
- Cerner l' operador anter chi che l' é a la leta e l' pian de tarifa;
- Manèr ite la domana de ativazion al fornidor cernù fora.

I utenc trentins pel troèr l' servije de assistenza de Open Fiber sun chesta direzion:  
<https://openfiber.it/contattaci/>.

Se pel aer informazions più avisa dintornvia l' sparpagnament de la fibra otica tel Trentin, sul portal metù a la leta da Trentino Digitale: [www.trentinoinrete.it](http://www.trentinoinrete.it).

De gra al coleament de Ciampedel, l' Trentin seghita a se miorèr en cont de servijes digitèi, col ge sporjer a la comunanzes dal post n' coleament inovatif per families e firmes.

**Traduzion di Servijes Linguistics e Culturèi del Comun general de Fascia**

(cdt)